

Kangirhitjutikhaq

Brucellosis

Hunaukmat brucellosis?

Brucellosis aaniarutauyuq pipkaijtutauyuq qupilrumit. Hapkuat qupilrut hiamitiqtitauyut huratjanit, tuktunitlu imarmiutauyumitlu huratjat. Qaffiuyuq tuktut brucellosis-lik aatlatqiinguyuuq amihuaryunit aatlanguqtaaqtuqlu qakunnguraangat.

Hunaukmata naunaitkutingit?

Naunaitkutingit pittaaqtut qaffinik Santinik tatqirhiutinikluuniit qupilrinikkumi. Inukni, brucellosis aatlatqiinik pipkaijtutilik hivulliqpaamilu aanirutautitut inniaqtuq flu-tut. Naunaitkutingit kitjakkumi, alappaaliqluni, aumaallaktuqluni, niaqurliuliqluni, qitiqliuqlunilu, hakuiqluni, niriumahuiqlunilu. Inuit brucellosis –qaqtut puvipkaqhimaanaqtut ipirutimini. Brucellosis pipkaijtutitaaqtuq qangaraalukmik naunaitkutiqarnaqtuq ukuninnga, ipirutingani uluriahukluni, unaguhuinnaaliqlunilu .

Qanuqtut inuk aaniarutittaaqtaa?

- Inuit brucellosis-taaqtut kahakkumi qupilrunga hanaqigumi aviktuqtilluniluuniit aaniaqtumit huratjamik. Tamna qupilrunga aaniaqtittaaqtaa inuit kiliqtamikkut uvininngani iikkulluuniit, qingakkut qanikkulluuniit.
- Inuit aanialaqtitaqtut nirigumik uuhimangittunik, quaqturumik, mipkuliuqhimaayumit, uutluaqhimaayumitluuniit uuyunga patinganitluuniit tuktup brucellosis-lik. Brucellosis hiamitiqtaungittuugaluq inukmit inukmut .
- Niuqqarumi nirigumiluuniit miluknit piliuqhimaayunik (miluktut cheese-mikluuniit) brucellosis-mik qupilruqaqtunik.
- Anirhaagumiluuniit aaniarutaanik.
- Brucellosis hiamitinngittuugaluq inukmit inukmut, maamakmit maamaktittiyut hiamitiqtaaqtaat aaniarut biibinnuaminut .

Hunaukmat havautikhangit?

Piyuugaluq, brucellosis nakuuhittaaqtuq havautimit. Ihumagiguvit aaniaqtumit tuktumit brucellosis-qaqtumik mihigiliruknilu flu-tutut itkuvit, uqaqatigitjavat munarhit .

Qanuqtut hiamitiqnairutinga?

- Kapurhautaittut inuknut.
- Nirihuiqlutit niuqqaruiqlutit uunaqutimiutauyunik miluknik, cheese-nik, ice-cream-mikluuniit aihimatillutit aallanut aquiguvilluuniit. Uunaqutikkuqtauyut imaatut ittuq tamna miluk milukmitluuniit piliurhimaayut uunaqutikkuqtauyut piiriami aaniarutingit niglaqtitauyuqlu niuviqtautinnagu situamit.
- Angunahuaqtut atuqtukhaugaluq ulapanik algaaknik hanaqilirumik ingaluanginnik huratjat.
- Qiniqpaklutit naunaitkutininik aaniaqtunik tuktunik: puvihimaayut ipiringinnik, tuhiatkumi, pihulimairumiluuniit, puvittuq qinirhiniq immaktulluuniit puvittut ataani amingani, puvitumik igyungit, puvitumik iglianga, ahiruigumiluuniit anitinnaguluuniit nurraniqpat hakuiqtunit tuqungayunikluuniit nurrangit.
- Avguliruvit tuktumik, aaniangittut itpatluuniit, angunahuaqtut hapkuninnga piyukhat:
 - atuqluni algaaknik igiinarialiuyunik.
 - uaqlugit tamaita haviit aatlatlu hanalrutit uunavyaktumi irmiutilik imaqmi avguruiruvit tuktumik.
 - uaqlugit algaktit nakuuyumik irmiutimik uunaqtumiklu imaqmik hanaqihuiruvit huratjanik.
 - avguruiqlugit kahaguiqlugitlu qillunga aaniaqtuqaqtut itpat.
 - nirihuiqlugu niqaa tuktumit aaniaqtut ittumit ihumagigukni aaniaqaruknaqhiuq brucellosis-mik kihimi igagukni niqaa .
 - niripkaihuiqlugu niqaa aaniaqtunit tuktut qinmiqnut kihimi uuhimaqyuaqqat niqaa.